



Na osnovu člana 179. Zakona o osnovama sigurnosti saobraćaja na cestama u Bosni i Hercegovini ("Službeni glasnik Bosne i Hercegovine", broj: 06/06, 75/06, 44/07, 84/09, 48/10, 48/10, 18/13, 08/17, 89/17, 09/18, 46/23 i 88/23), člana 6. Pravilnika o uslovima i visini naknade u vezi sa poslovima provođenja pravilnika o stjecanju zvanja vozača-instruktora motornih vozila („Službeni glasnik Unsko-sanskog kantona“, broj: 30/12), člana 18. Pravilnika o stjecanju zvanja vozača-instruktora motornih vozila („Službeni glasnik Bosne i Hercegovine“, broj: 15/07), Ministarstvo obrazovanja, nauke, kulture i sporta Unsko-sanskog kantona r a s p i s u j e

## PONOVLJENI JAVNI POZIV

### za prijavu kandidata za nedostajućeg člana komisije za provođenje ispita za stjecanje zvanja vozača-instruktora motornih vozila

**I.** Ministarstvo obrazovanja, nauke, kulture i sporta Unsko-sanskog kantona raspisuje javni poziv za popunu upražnjenih mjesta za nedostajućeg člana komisije za provođenje ispita za stjecanje zvanja vozača-instruktora motornih vozila i to: a) ispitivač iz pedagogije - metodika vožnje, za usmeni dio ispita (jedan ispitivač) i b) sekretar komisije (jedan član).

**II.** Pravo prijave na Javni poziv za:

- a) **ispitivača iz pedagogije (metodika vožnje), za usmeni dio ispita**, ima osoba koja ispunjava opće uslove predviđene Zakonom i koja je diplomirani pedagog ili andragog koji ima vozačku dozvolu najmanje tri godine.
- b) **sekretara komisije**, ima osoba koja ispunjava opće uslove predviđene Zakonom i osoba koja je diplomirani pravnik koji ima najmanje tri godine iskustva u struci i vozačku dozvolu najmanje tri godine.

**III.** Kandidati za člana ispitne komisije, obavezni su dostaviti sljedeće dokumente:

- a) prijavu na javni poziv;
- b) (CV) biografija;
- c) potvrdu o prebivalištu ili boravištu, ne stariju od mjesec dana;
- d) uvjerenje da kandidatu nije izrečena mjera sigurnosti ili zaštitna mjera zabrana upravljanja motornim vozilom, ne starije od mjesec dana (svrha: prijava na Javni poziv za prijavu kandidata za člana Ispitne komisije);
- e) ovjerenu fotokopiju diplome;
- f) ovjerenu fotokopiju vozačke dozvole;
- g) dokaz o radnom iskustvu (samo za prijave iz tačke II pod b),
- h) ovjerenu izjavu kandidata da svojeručnim potpisom potvrđuje i daje pisanu saglasnost za korištenje njegovih ličnih podataka kroz cjelokupan postupak odabira kandidata po Javnom pozivu za prijavu kandidata za člana komisije za provođenje ispita za stjecanje zvanja vozača-instruktora motornih vozila raspisanog od strane Ministarstva obrazovanja, nauke, kulture i sporta Unsko-sanskog kantona u skladu sa Zakonom o zaštiti ličnih podataka BiH (Službeni glasnik BiH, broj: 32/01).

**IV.** Ministarstvo obrazovanja, nauke, kulture i sporta, Bihać, zadržava pravo traženja dodatne dokumentacije kao relevantnih dokaza za opšte uslove predviđene Zakonom.

**V.** Članovi Komisije se imenuju na period od dvije godine.

**VI.** Prijave na Javni poziv, uz propisanu dokumentaciju, u zatvorenoj koverti, s naznakom „Prijava za člana Ispitne komisije – vozač instruktor – ne otvaraj“, dostaviti na adresu: Ministarstvo obrazovanja, nauke, kulture i sporta Unsko-sanskog kantona, Bihać, Alije Đerzeleza 2, **najkasnije 8 (osam) dana nakon objave Javnog poziva**. Nepotpune i neblagovremene prijave na Javni poziv neće se razmatrati.

**VII.** Rezultati Javnog poziva, bit će istaknuti na web adresi: [www.vladausk.ba](http://www.vladausk.ba).

Po ovlaštenju ministra  
Sekretar Ministarstva  
Albijana Trnavci, dipl.pravnik